

高

陽

集

高陽集卷之一

高陽孫承宗雅

雅書

吳橋范景文簪

簪書

五言古

謁楊太常椒山祠

楊公負奇穎舞象成奇調孝友自天植義烈爲
譚笑兩疏志竟醢一泓血未耗代遠名逾尊祚
薄神靈耀皎皎夜臺月風吹清庭微我來採芳
芷灑泣一投吊

題田家圖贈喬明府

何來生幅綃寫作田家狀老農自力作饁婦相
脂餉穰稂秔稻秋軋軋籌車上野罄有餘閒官
租不負曠簫鼓鳴粉榆壺榼向林莽拈點隴頭
雲呼盧醉盆醖渠鉉映如銀拊髀歌蕩颺誰念
三時苦渴來同一缺誰知百姓歎總是公家貺
猗歟花縣春玩此圖中象

偶作

上天自好生殺機輕豈動百千萬不寧日爲天

地用卽使不寧來乾坤已成訟試觀法臣法何
殺不歸正古無百歲人無亦愛生重恐栽石莒
蒲爲殺風生獄名供數車薪不燃鐵鏈鍛乃痛取
腦和菊花不當一朝養及盡五百年到此終成
慟青豹有輪迴安知不爲開嘗讀清吏牘曾笑
請入甕

夏四月不雨山出雲風輒散之有作

我聞雲從龍亦聞風從虎如何雲方興大竅風
輒吐應是龍耽眠意不霖下土以茲虎縱橫日

何雲間舞虎固有睡穴行風豈不苦風威未易
當而爲虎僚我願驢龍醒留雲護雷斧再願
虎戢恣勿噉風力沮唐家龍以文周家虎以武
文武自兼資雲風廼相選嗟彼簞笠翁鋤禾日
當午罷鋤荷豚孟走以告田租風伯大無賴驅
雲致不雨固祖若爲笑事干天公府龍借風遣
秦虎借雲張楚躩躩寧爲情矯矯寧爲腐方今
大聖人風雲萬物快

隘園雨

坐臨園北窓下獨日當午烏陽迫近疎
簾不收拒時五體亦覺以旱爲慙而草
木垂頭僂背如企思上澤無何大雷雨
而僂者昂垂者伸亭中人喜可知作紀
雨望之

予園自臨園亦作萬生主園中千萬生
生都待雨予方遺桔槔以傲豐隆斧
激其一作霖流膏蘇下土果爾怒呵
香金蛇爲我舞須臾溝澮盈怒生怒
如虎振槍葉成聲鼓腹告田祖我亦

罷桔槔園丁欣無語應遭天公笑望雲何太苦
吁嗟未雨時桔槔未可去

雜咏

汾陽亦麤官而動合至理君寵恩自渥寵去思
未已部曲卽散落國難忍不彌單騎豈忘身胸
中早定矣其處觀軍容廼成大君子相州九節
度誰咎公無紀

其二

黃扉豈不安而廼攬兵紀略已料我兵正

堪理馬隆列兵廂十萬橫千里蓋牟東鐵山西
南瀕海渙以我排余皇直逼青石底扣舷三萬
人附艙三月米四衛歸于囊三韓仍我鄙叩馬
非書生少保已退矣

其三

倉猝起田間五日平臺對霽威是卿言而勅合
外內刻夜閱層樓寒雲月變雙單騎下潞陽周
匝胡萬鎧白板驅風雷亦覺駭再勅略檢
關用返懷光轡漁陽天爲鳴盧龍月如醉以我

當獨衝遂消東西遂五月恢殘區一朝集羣豪
後先上遺七千有餘髻竄喜郵馬殲更快韓
僧雍朝廷任一官所嚮成功易忽開兩撫軍雜
以中樞議事亟伏師貞事平恣小吏師勿用小
人所願當軸記

其四

騷哉吉士綸而廼身試忠吳趨何足聞浪托爲
車坡清水河水赤白草坡草紅智不足周身愚
竟以害公漣如當陞血其心映大空

其五

狡狴主事嘉跳身爲鬼雄
竄跡東海濱而興三屯
戎拆枝爲樞役圖殺偏
廂隆撫遼乃禍遼力
繆同室子旣以借我力
遂以冒我功官緣恢復
始謀緣繕脩終移口媚
新樞魅心傷大公子終
欲無言思而詐迺窮願
客金縷腰鈴轄未可克

漁父詞

洋風何遙遙洋流日泱泱
白雲茅屋邊綠水蓬
舡側放歌一棹閒提網
萬魚集尚不分鱸腮誰

能惜鷄肋簫鼓聲殷雷終日垂青笠蛙廩項爲
公魚租催且急蘆火豈不然漁舴饒苦色無心
雲水清不競風波息澤畔有獨醒從來不相識
再贈蜀上人

飛錫下孤洲渡杯安行脚結宇枕清流素心那
復淪泡影風動旛波光月臨箔洗鉢食分魚喚
鐵客招鶴汀樹起孤雲漁舟藏大壑嗒然跌坐
閒消此無生樂

戲贈

菡萏照廻波玉臺聯二妙嫣然乘薰風羞與泥
同調采采須及時無寧謂尚少

洋口雨

洋口雲頭黑野老遙相謂一雨見蛙沈再雨驚
魚沸爾家上平田穗乎可穫未

蒲野行

蒲野下豺狼何地不荆棘盡室辦兵食何人不
偪仄霧露空爲朦熒暇天爲惑綺羅照輿臺而
誰憂社稷組練護扉牆而誰念邦域百人共漏

舟迴日防滄溟三老泣扣舷衣袂祈補塞

夜登陴

老綠發庭槐涼颼夜侵迫城幕兵如賓梁泥燕
作客厲氣一循城水荇漾波白燈毬亂星檢行
扈亦變喑天高河漢親便可汛夷貊

凌雲行

凌雲臺高議未暇千里遙秉鉞護神京那得及
空嶠登登豈不築而聞黔首謠桓桓豈不兵而
徒咏招搖眼見逝三星生人任離漂骨肉非身

存而念骨肉凋所願傑豪人安絃一更調

生鶻行

生鶻竦秋骨不殊健兒心元戎出道陽分路
松林似聞絕轡野出尤已成擒如何方城南而
復報陸沈東兵南北合不見馬駸駸勇哉觀
客廼肯入賊深但能前殺賊小衄何足吟

濡陽行

濡水既繞城而不斷何略濡火可燒也而不戒
震爚僉兒報警急而猶作嗚噓大口所訛言

騎已搏攫尚認捕守兵起居方勤恪不戢耳自
焚城火已爲燒不絕且自陷城水已爲罄哀哉
房次律而同死抄掠州牧仍丈夫陷胸亦寬綽
士女且有千束手人嫌蔡邕聞濡北關壯士何
嬰鏢百餘大白捨而竟拒弩殲田家一與伍憤
激出雙鐔誰哉弱纖兒銷要而力却麼么幾匹
雛方州頗有碧

文安行

漢縣文安古廣陵尚有城其城地空曠其人

橫從來丙丁年互換爲傾一十門鋪一不備上
塵至尊營如何烽未傳而已避地生聞說土寇
導豈人盡室行縱使百餘騎未必敵果効登城
便不支何稱百萬兵嗟哉幾大吏絃弛須用更

雄令行

仁哉雄令尹孤城空萬家城旣不可守守亦不
能遮何如散四方蔓楚樂無涯健兒枉跳梁入
驢徒紛拏忿騁無所掠不堅亦無瑕恠爾貪婪
更政虎賦方蛇營素不營城置置復置狡癡黠

半相朽枯苑就爲譁聚徒護一軀而叢萬咨嗟
豈謂城當空不守空爲嘉大雄與小雄衰柳仍
寒鴉

遂城行

此地古梁門荒臺堪四望如何百餘年而竟蕩
陵上大鄭小鄭君子姓多凋喪令公亦已忠學
得何其壯殺切屏爲摧荒途強無恙繪圖耿全
武入對勞張亢刺問袖中疏判官竟堪將父吏
朝促寧繭無寧障城土不作甌兵鄉不議餉

死法無死散鼎鼎相背項

辛苦行

山平野二郎

肱逆

辛苦中來備言辛苦走初盟護老親事急復
難守同作蘆中人泣啓房公口二鼓聞城頭寨
裙襖城島健婢下墮中有婦扶其母一婦成家
兒步趨獨相後女牆尚未過頓死刀劒手相牽
赴城河十郎入水留九之女呱呱一聲已觸笱
八郎生不慧婦與死同數長郎之仲兒文彩光
祖父與其弟五者俱赴河泊蹂尚有兩婦女死

不知何樓當其墮城時安知城河陡泣不敢爲
嗶呼不敢爲喁哀親敢乞扶乳兒敢乞穀水聲
方如雷殺聲更似吼一木羣婢持小大木爲耦
忽聞撥棹呼有船可恰受搖搖上曲堤驚魂堪
定否身各無完衣安問徒蓬首再拜雨如泣我
繫尚堪剖

戰城南

老鷹烟霧質騰撒雲沙際
健兒自健生况復乘
秋颼軍氣覺未揚豈其藏
佩悅當惡倚觀軍諸

公不踔厲適聞戰城南亦獨觀軍銳誰其纒六
師而卒競佞祗言貂不足不憂馬不駛始尚
需大叛其終爲忸狀數聞徵大兵盡室解歌杖
安得大英雄一鈐賓月窟

范陽行

燕南鹿太常矯矯人中雋一聞陷范陽幾度驚
相問以予忉怛心聽說還疑信旣見遺權官應
知城蹂躪闕門德紀中天其有遺慈平治詎無
期而忍失忠蓋翹首望雲天慙足將無迅

徵兵

大吏下徵兵更從鄉兵選鄉兵聞遠征點
名已破膽主兵力解說爾兵勿選悞僕射如父
兄况復交鋒鮮不比鄉兵勞實實教摘摘不見
元戎車新從問道返

聞意報

天地頓無情而日陷州邑殺人紛如麻掠人亂
如縈豈無六師臨鐘鼓日爲襲有躡輒破缺安
問大小入大絃日以緩小絃日以急緩急亦何

憑閭里日鳴咽尚須豪雋人更張不暇給

一夫行

一夫餐分二枵腹夜負牆瀟然下秋霖高風易
爲涼况其念四野妻孥遠相望火甲亦登陴而
不食官糧紛紛陌路客骨肉疎爲防渠亦念骨
肉事緩姑同行不看掉臂者傷城顧覆隍

端五先一日有作

是日爲亡室王夫人生之日憶丙辰予
病夫人力勸予歸是日舉兒輩觴夫人

更有衷言曰官久且大責難謝矣予佩
其言而旋以諠激抵闕決歲是日兒輩
爲夫人設食檣焉有作

予留賦歸來子肯勸予駕予豈更迴回相與安
鄉舍祿外恩愈深宦長責難卸念爾平生言誰
復爲世藉歎後射伊優風前料穉穉亦旣樂且
耽而乃憂天下弄兵九地驚執法千夫訝予本
澹蕩人逢場輒欲罷室別六經年家別四歷夏
眈焉望并州羈如不復暇準旣慙中書恂寧堪

再借胡不從有勞而圖一時蜡胡不送五窮而
爲七萃禍念爾其茹荼知予非收蔑弦月下檢
關有懷歌子夜

八月十八日間雁

雁從遠澤來似厭羣離離離離相顧鳴蒼識中
澤竄去年我復來汝回聲淒斷今年汝復來我
留歲且半今汝行將歸而我仍羈紲古稱雁有
臣豈以宵爲旦汝誰奴與賓秋春同汗涉雁特
對以臆曾不羣雛憚一蜚已摩天弋人寧挾彈

冥冥過長安爲君寫照淡長安見我歸應爲勞
人歎

咏史商相如廉頗

兩蚪不競淵兩虢不競谷交臂立同朝而寧懷
怨讎不見唐虞際吁咈相推轂蘭生當紛拏誼
不惱私劬索城壁可還擊金瑟亦復豈無秦庭
血不濺將軍輜從容辭舍人感慨如可掬乃知
俠烈士當爲社稷福

人亦矜予容而遇怨輒動況復不容者忿激能
不恟恩由契濶多怨隨反復重好勝廉將軍意
氣凌儕衆一聞先國家負荆而自訟嗟哉閭人
賢名位幻相閑幽谷飛弱莖峻巖隕喬種悠悠
同矜子無爲氣不用

關山月

一對關山月再對關山雨關山雨與月合作關
山苦日暮雲飛揚絕漠衝風怒雨急水聲咽况
復臨山岵四顧虛無人戢戢振莎羽有劍長倚

天略試渾脫舞化爲破浪風兼之射潮弩還我
關山月晶晶光天宇一夕其清光千里人同應

贈劉生

念爾成金吾謂予能玉汝豈予曾助君實爾能
張楚貂珣何足云孤虎正雄健一意以身當羣
猜遂此阻驚驚下西崑翺翔以求侶珪璋達明
堂醞藉以安處爾問古梅福應快予相許

孫男之芳編次

卷之一終

高陽集詩卷之二

高隱孫承宗稚繩著

七言古

將進酒

幕中宋程兩君作將進酒偶置案頭遂
効之以勉諸將

君不見駿狼隙駒去復廻六千三萬相競推生
不成名致身早安取纍然丈夫七尺哉將軍之

膽之印都如斗黃金可銷骨可朽倚天有劍崆峒
峒長狐短鯨長須授首月抱關西孽鳥驚旗梟
克汗獲匪醜青茅白馬還公等與君但飲黃龍
酒漠黔提胡不聞月羽日羽渾紆紛跣跣駕
一御之雨如猗勇謀如雲爲我箸籌狼烽息天
下誰人不識君鯨亦垂天飛鳥亦驚人鳴麒麟
高閣久拂拭君今誰是第一行

關山月

有琴不上關山手有杯不傾關山酒枯坐關山

月自明對人寂寂還搔首幾看月色似家山
光片片白珊珊昔照寄一亭鬢綠今照籌邊
髻斑自知雙鬢不關月却恠樓中月更寒關
人苦關山月冷艷寒華相映發千里鄉心一
鏡懸何年夜踏鵞池雪關山月苦關山人眼
此塵攢相傍親塵未淨生青珥何況風起元
規塵

渥洞口

渾泥城東渥之藪兩渥簇來渥洞口家家慣養
弄潮兒舴艋在門魚在罾簫鼓一聲走村翁

眼相看未會有小艇耐將采菱荷人堤不解折
楊柳假髻旋墮手疑真却顧綠恣驚老醜漁梁
南畔第三家繞蓬蒿宮半畝似是玄亭楊子
雲下帷寂寞不窺牖

夜泊蓮子口喜雨

春深芳草何爾爾同人載酒醉旖旎篙師歛乃
聲殷雷窮日計程三千里帆飽衝風撲柳花舟
維入夜泊蓮子一泓月浸波光寒萬井林橫暮
烟紫因憶去年秋潦落駱駝灣外禾如洗豈河

但解灌田廬胡爲泥中行且止四野濶漸侵庶
明片雲頭上雨忽成岸頭老鴉若爲傴波底癡
龍矯欲起無乃馮夷解世情爲我長年添新水

蘭家口

三河吞滅蒲陰下餘流達勢奔如灑縈紆浩渺
競相叅蹙縮淵潭瀛之野何年天地頓開坼巨
靈擘浪雷車轆石足盤礴百川柱左足踏莎天
倒瀉突兀匹練陵陽西衣帶紫紫禾爲赭灌渾
風雨龍車迴穗乎不獲居無屢疑遭狡猾老豪

稀戲來枉道弄妖冶幾欲拔劍斬此妖不然犀
照蹴如苴陵谷滄桑念何常福心那得怨風瓦
掀髯一笑暮雲橫蘭家口東河堪把

贈孫孝廉啓泰

君家兄弟兩執親喪倚墓門而居者六
載詩以贈之

容城城圯大如斗今古賢豪萃作藪靜脩之脩
忠愍忠撐柱乾坤萬不朽行天日月地江河出
奉君王入父母孝廉崛起兩豪鄉手搢天常爲

世紐黃金臺上已知名高堂舞綵歌舅壽一朝
風雨下庭幃大椿零落護花剖夜臺長夜寂無
人忍見野林狐兔走九原日憶念兒心六載枕
苫相與守諸婦同集一畝宮優龍劣虎聲如咽
蓼莪有句不成讀黃土一坏淚爲臯紫荊花爛
雨盈襟鴻鴈影聯月在牖隴笛咽塞幾斷腸夜
烏泣雲空翹首我親亦未嘗君食帝書日月懸
培塿感君兄弟倍心酸孝子忠臣天並久君家
兄弟遠相傳亭亭玉樹師且友能與朝廷生異

人應得異朝還報厚

雜咏十首

大礮砰砰小礮急急礮礮未過礮成汁三大營操
亦暫息

其二

狡狡錚錚學兵樣鄰城却笑官叢謗餉不減人
人減餉

其三

夜叉城頭走健令據鞍不問城紛定兵勿索食

兵可敬

其四

短衣白帟稱鄉勇
觀軍抽調克巡警
大箭長弓真雄猛

其五

一蟬老却滿庭綠
雙燕掠殘半灣玉
當夏主人看不足

其六

遠阜崔嵬洲窈窕
飛花飛絮春多少
野棠枝上

鳴好鳥

其七

駱花叱撥黃金勒云是上谷五陵客醉來馳騁
長安陌

其八

凝情遊絲聚白日遊絲斷續隨風疾長柳不分
絲如織

其九

冬日如鐵夏如炙百物還應人愛惜莫謂無情

輕棄擲

其十

老燕帶雛綴舊壘
畫梁銜取龍溝水
雛又生雛
真燕喜

鹿太常

天下尚在鹿太常
十生九死天茫茫
當遶千里
交臂遁立朝
百折不挫強
金花奏居雷
霆下天
子明聖名更芳
如何圉人一不戒
塵紛起畿
南疆太常許爲庸人守
百不備一舉空張大入

小人豈不慘殺慘猶或遺忠良豈如此者大慘
烈太常一死天無光予每屈指計平治應需十
輩定紀綱太常其一數難滿太常亦死又何望
即使太常歲滿百亦終一死死何妨獨是當今
望平治時非殄瘁人云亡家居自好需綱繆織
兒撞破忠良當狡一人空人國殺盡織兒何
足償

孫男之涉編次

卷之二終

高陽集詩卷之三

高陽孫承宗雅親著

門人馮洪業茂遠較

五言律

初入丹白團八首

解組脫詞館
考盤來碩邁
呼從先輩少
坐覺後生多
妙語千人廢
閒園二仲過
松筠欣意託
相嚮欲婆娑

其二

不是桃松菊由來聚鴈鴻操觚仍學子擲鏡漫
成翁髮壯驚虹白顏衰笑酒紅平生憂國意孤
劍倚長空

其三

肯以金門隱而忘玉版
紫池閒飛燕子砌古種
宜男法在舌無二聽殘耳有三歸來重據地歌
酒亦須酣

其四

從來蘆狗監寧肯泣牛衣自是天難問何妨世

與遠青盧看對舞白鳥見孤飛
莫怪枝深樹南枝不可依

其五

水木歡相見鶯花况復濃
歸來羅雀地差可起
高春且自憐寧翼其誰比
臥龍紙口多不治詩
債任縱橫

其六

繁鴈何堪數冥鴻似可驚
遠能成獨往祇益負
君恩海上方難覓橋中局
易翻老拳閒却盡編

不護雞孫

其七

耐久青燈在尋常白髮生一官餘激骨廿載愧
浮名宦拙人從笑身閒意與清柳花暈撲面春
雪有藏鶯

其八

澹澹披青管軟丹入碧山白扉澱佛水鳥几隱
江闊野性疑天樂深恩憶聖顏十年無寸補
慈槐點朝班

喜職方兄抵舍

相次羈名網相憐去住心
偶聞唧僂到且喜聚
同襟倦鳥還欣託幽懷
可自任明時歸去也不
羨兩疏金

房侍御函問云僊沐定中章程寄二首

休假旋粉社函言自栢臺
出山原小草解組詎
長材倦翮還飛蚤雄心
老自猜滂憐千里志天
廐有龍媒

其二

莫是猶龍手應懸持虎心聖朝歸散吏野眼換
塵襟懶慢從來慣疎狂意詎深須知麋鹿性偏
自適長林

春日八首

爲予風色好况復平生人此夕堪留興良宵豈
再晨飛觥驚耳語呼雉辟愁憐一笑醉顏破普
然天地春

其二

百里餘三戶一石其間水濱以予憂國意念此物

華春悔徇天心改沽醺歲籥新時平饒健令豈
食娛嘉賓

其三

兒童惟老大先酌見屠蘇有訓還趨鯉無歡可
弄攤 帝綸光素業家學愧貽謨欲振春暉藻
乾坤尚腐儒

其四

春籥迴銅漏辛盤間瓦盆低徊三十載擺落北
堂萱開筍堪流涕含飴幾黯魂杯棬不忍見口

澤在兒孫

其五

愁來不問夜謝草
竟如何官有含香人
誰載酒過楓宸
瞻綴豹枕市聽瑞珂
館裏關山月隨風
帝宅多

其六

去年同此日
揮笏點朝班
六引前帷帳
千官環珮環
風搖旌虎豹
雲合樂狔蠻
下里星辰夜
從繞聖顏

其七

白轂尊開早黃龍
帷御遲遙知春色
好先上萬年枝
刻燭愁黎火揮毫集鳳池
冥鴻風雨夜何
以慰相思

其八

不學東方子金門
嘆陸沈疇知頗看劍
耽寢一抽簪
劉向遨遊意羊求
過酒心年華惜一倍
搔滕恣長吟

馬家河放舟二首

聯騎窺青渚揚舲脫紫氛片颿初挂雨遠岫自
成雲勝地懷孤賞名流集衆芬倚舷渾欲醉不
著臥遊文

其二

煩暑欲披襟同人忽解纜
高棹影深雨歇雲容淡對酒須成歡
采花當及蒼前舟杳藹間幾度迴風參

同口移舟

野航堪載酒鼓柁一經過漸入白洋水平橋落

照多相鳥風舞袖
摘燕語行歌不是思
鯨鱗垂綸向碧波

入澱

渡口官河狹風波不肯前
遠灘急倦鳥野宿傍
漁船枕簟饒秋意
笙簫破暝烟停盃一以望孤
棹月清圓

夜泊白子港

獨抱江湖意不羨江湖邊
對此望洋日還同秋水
篇遠岸疑無地懸流別有天
浮槎不可問何

以濟長川

夜過水門有懷冒令公

此地何時別驚心已十年美人不可作捷石自
河輒結纜依高岨聯鑣踏暝烟寂憐湖上月戀
纏繞朗鞭

馬語月

馬上看明月清光應更鮮中天開萬里不借水
波娟客影侵鴻雁香風入錦幃西艇不肯隨相
下城喚

弘濟橋放舟

襟情一葦間
宛在懷滇渺
夕氣下
暑雲空
寒攬
月練
前翻鴈
鷺羣
燈照魚
龍旋
渺予
千里
心擊
汰無
易羨

舟中六首

陸沈勞硯北
一日見浮家
林晚鴉爭樹
水深鷺
傍嵯遠峰
雨落照歸
檣臥平沙
詞賦工何益
還來問釣車

其二

澤畔一燈嘯新聲滿棹歌
宛虹殘雨盡柔櫓夕陽
多圻岸斜穿笋閒垣細
壓莎臨流千古意不
是傲風波

其三

耐可乘明月一篙擘暝烟
蓬聲急夜雨燈影亂
鳴泉星斗低連樹蛟螭驚
扣舷懸流回泊者莫
是子猷船

其四

野曠更無漏月明空在船
披襟臨斷岸結纜近

高天生事輕
鷗外浮名過
鴈前夜深漁火黯風
燭下寒烟

其五

村酒詩思苦
客衣寒氣饒
怒濤襍鼓吹
激羽上雲霄
晚榜扳重臂
風颿落野橋
誰家依綠水
稚子弄輕潮

其六

停舟一以眺
采采米囊花
野寺餘殘衲
長林促暮鴉
遠看綠樹裏
合有赤松家
人誰憐縞紵
吾

欲話桑麻

陳村港

澄烟蕩蒲牢夜色侵莎竿卷幔月移舟攬衣雲
盈把灘頭鷗鷺寒笛裏牛羊下平浦風成文揚
花一點鴈

野寺

可能出半偈一爲豁煩襟傍水溪聲靜環橋月
影深蓼花纔吐葉秋簫欲度林殘碣無堪語空
憐不住心

榆林渡

忽霽暢亭雨布帆洗更青
西山來爽氣秋水落
寒汀櫓曳波心月撻浮河上星
流蛙聲聒耳一
照斗奇冥

齊育軒邀飲遂拉同遊

滂索登樓賦君其間水濱野航
恰受容樽酒欲
留賓落日情偏洽歸遊興倍新
留師懽得意舉
細見文鱗

暮抵弘濟橋別同遊諸君子

斗酒城陰暮相將罷釣綸雲霞香結袖星月靜
隨人詩思醉逾健交情別更真樵青還有調浮
白亂無巡

九日詣舅氏里

出門開遠目芳節又重陽宅相堪誰寄金英獨
自芳有途臥宿草無酒醉更房尚想成童日提
壺向北堂

同閩關府浮檀鹿臈方乾岳沈臈方彥威
杜武庫培亭孫司廳初陽袁山石自如

劉關內如綸萬廣寧同予泊三大將軍
馬滄淵王敬之尤定宇山寧遠眺首山
諸雄要馬上用程幕韻

真箇家居好纖兒自不關遍尋遺父老一掛舊
江山野寺疑僧定空城有鳥還潮回應寂寞胡
騎下孱顏

其二

予當開小隊爾復念予瘥大患身方劇忠言藥
更多燕泥看舊壘鶴表識新羅幾欲擲孤劍其

如漢惠何

海亭用韻

雄襟開萬里傑閣更亭亭不是環瀛海誰堪托
北溟龍淵夾日白劍水挿天青楯鼻揮池墨錫
山勒一銘

臨城雨

臨城竟日雨蝸洞寫征衣夜火連星滅陰雲共
暮飛山鳴豺虎下谷暗蛟螭歸嗚咽看人吏勞
身賦采薇

其二

入夜潮聲急兼之挾雨颶風檣挂石髮霜劍佩
垣衣齊馬千羣黥官蛙萬竈饑漢家饒猛士無
復歌雲飛

其三

大兵初合陣連雨洗迎秋濤怒夫兼湧雲躋月
共愁一泓歸萬壑孤嶼擁羣流聞說開東邸專
封定遠侯

聞石塘報用銓韻

白馬闕頭馬傳來北鄉斯遙知明主意永夜下
遼西魏絳寧無餌漁陽自有聲壯心還劍舞不
是爲閑雞

其二

八夜看焚惑朝來朝議生誰將舌上劍一割塞
垣兵未抵黃龍府先驚白馬營岳家軍好在
騎漫雄行

不寐

誰是總金輪投簪竟夜聞鈴憶風自語鼻壁候

仍分欲下高人榻驚飛猛士雲曉鐘春不盡客
思又紛紛

子月十八日子夜不寐次日爲王夫人忌
辰

不念規予意沓來定世波軍中長不寐地下近
如何絕塞傳烽急浮雲變態多西原千里月夜
雪幾經過

人日抵寧遠有作示同行幕僚

經年渾作客此日又逢人入幕原相洽出門覺

更親華顙驚歲月孤劍老風塵使得平
將拜紫宸

其二

相看人到日都說日爲人一役知天地重來愧
主臣漢繒饒歲額遼澤阻王春尚自勞公等誰
能愛笑頃

其三

可能當此日不復愧斯人許爾饒豪膽堪誰阻
反辱主恩黃髮重交游白頭新莫湧嫌聲俗

絃好自親

其四

亦擬人如日獨憐日作人風霜還自苦肝膽向
誰親拊髀精神減論年歲月新家園有纖縷兒
女簇盤辛

寧城夜雪披裘詣老松下低徊久之風色
清絕殊饒遠致遂訪幕中諸君子同滿
將軍論兵

夜雪不成寐堪誰問子散世情高駟馬吾意對

三騶樹老虬疑古更嚴箭正迢鳴鳶池上意一
爲借前籌

喜尤大將軍論兵

小閣聊懸榻將軍揖客回壯心原倘易俠氣肯
低徊着翅人龍上驚帆天馬穆匣中有寶劍不
爲短絙開

擬兵自遼澤入滿將軍自請

兵要從天下功須不日成將軍漢寵後赤膽向
予傾願抵黃龍府同戡貝勒城問山片石好爲

爾勒燕銘

馬都護畫鷹

好試屠龍手，且看攫兔圖。
迴風留勁草，喋血洒平蕪。
窟自戕三狡，雄誰失一駒。
健兒饒氣意，把臂聽吹篴。

寧城元夕

一片長安月，向人特地明。
遙知燈火夕，不解玉關情。
挹海鯨吞酒，刊山鍰作銘。
這回堪痛飲，幾欲問從征。

其二

小樓先着月差可一披襟大地無籬落同人有
盃簪星河開火樹笳鼓競清音聞說寧陽石特
憐不二心

元夕閱煤山歸見人家燈火喜復成聚迺
其生事可掬也有作

不作紇千雀猶存瓊尾身中華原樂土流冗亦
王人強結清平調番憐生事貧向來甘苦意三
歎轉相親

其二

山月向人靜
礮雷驚座鳴
阿誰學盛事
兀自龜鄉情
甲首謹投石
丁年盡請纓
聖明東顧急
何以奏昇平

寧遠閱城

帝室山河壯
巖城車馬同
抽刀迎旭日
拔旂當雄風
海色侵征袖
軍聲蕩灝空
東朝開邸第
聞說待元功

寧遠遲兒鈐

聞說家園信相將爾共來如何驚蟄後不見便
鴻回意作倚門望思深奉几隨小樓夕日下念
爾幾低徊

抵寧遠却寄田高崗齊賓甫劉維翰三窓
丈時三丈兩關城欲歸

欲去番相遠別來覺更親羊裘春寄傲象局日
成新肝膽向誰是形骸對爾真小園芳樹發戴
酒念征人

抵寧遠得劉安甫廣文書却寄

三年別笑語千里寄封書言念同懷千仞來一起居水晶盤自好金僕姑何如丹白鴈中月相看未忍疎

其二

以予鼓鑿日念爾餞饗時月向投籤冷風隨聽角移如何丹白裏促膝夜談詩調騎歸來好低徊有所思

其三

一官堪寄口騎馬間鷄棲傲狎春秋榜矜看歲

月題論文高足笑投牒上官攜座外佳桃李雙
柑好聽鸚

左肱下用劉生韻

一丸塞絕塞三策謝嚴尤爲愛孤峯秀頻登百
尺樓桐熒當夏火潮湧入邊秋不忍獨醒好功
成乞醉侯

爵啄榴花用韻

有鳥憐芳樹寒花弄晚暉落紅還片片懶采
飛飛似識春華好寧堪剝啄稀家園歸未得

眼憶菲薇

偶集句

爽氣澄蘭沼金壺夜漸闌朱樓雲自蓋魚海路
常難野潤烟光薄山空木葉乾更慚衰朽質未
敢憶長安

雨後

曉來饒意緒一兩萬人家亦自憐飛鳥其如擬
怒掘倦雲高鶴井積水下龍沙心折雄風裏無
勞挽鬢華

又兩

晚霞不自信十雨未成期四野膚雲合千山倦
鳥低鴈行微有啁花隊欲迷枝獨有田家樂
瓦慰所思

答友人用韻

日夕烽烟急風塵聽子回嚴兵萬甲合略地五
下開漢代誰麟閣秦原有劫灰同祿相問信不
復念參陪

秋思

同一曲在誰復戀三台白簾先秋捲黃花盡
日開登樓聊騁望鴻雁逐羣來獨有孤飛者將
予別緒回

苦雨四首

不耐秋窓雨冥冥離緒多三山不可見九水漫
相過沉漏疑寒露驚濤想怒波明朝山對語秋
色更如何

其二

何得生蕉葉愁中鬪雨花長楹散錦杵高蓋下

凝笳合點東頭篠同催生耳車長安一鴈去莫
使片雲遮

其三

永夜不成寐非關戀故園渾身應是膽一指豈
葦蠶山近容排闥天高欲叫閭低個孤劍在終
自負深恩

其四

故山歸未得且此撫孤松石寢疑蹲虎波洶有
伏龍梅風生畫角悟雨落疎鐘秋色相憐意寒

雲幕晚峰

同鹿賊方經幕田都護登黃嶺讀戚大
將軍盟忠樓詩遂同馬李兩大將軍表
劉兩兵備項金吾少憇

聖神開萬寓片石當重門地險堪乘障天高欲
叩閭殘碑留勝算孤劍答君恩脉脉情何限前
山落日昏

入一片石五首

予卧痾數月起關薊門甫入一片石而

疾作有天無人有君無臣伏枕流涕予
且死此體憊矣口占志恨

秋風亂禾黍夕日下牛羊營壘迷官道烟鬟簇
女牆中流石作柱枯室玉爲堂社稷安危裏狂
生自不狂

其二

山分一片石水合九門關大壑開雙闕孤亭壓
五環倦飛憐弱羽蹇步愛孱顏枕漱饒生事高
臥不可攀

其三

好磨一片石一勒燕然銘萬卉隨雲綠四山當
戶青亂峰時讓月樵火半疑星可恁饒山鬼飯
心夜聽經

其四

押牙傳言語插羽聽鳴珂石簇平原少峰高落
照多闔扉瀉正怒乘障雨初過莫漫憐征佩山
山有薜蘿

其五

小草誰如石大毛自有關向來憂樂意此際後
先間山引輕雷八霞容孤鶩還似聞黃閣老亦
苦紫宸班

一片石公署作

四山煩應接當牖不須延占候長河爛嚴更竟
夕傳月蠟羣鴈過風峽片雲寔耐可隨留滯胸
春湯相捐

其二

巖間無結構片石孤亭開一負遊魚樂獨看僊

烏回松濤當仰落巖岫同隅來真想披襟在班
廡尚可裁

其三

古人憐弱子遂川忘華簪而我盤荒微三年損
道心關山一以眺明月幾長吟不盡秋風意誰
堪聽擣砧

其四

雙嶼迎人面涼颼吹短襟好將山水會撥結時
清音古柏森千尺纖蘿苑一岑誰能勤拂拭一

爲洗雲濤

其五

偶逢山水樂何異幽棲時漠漠生烟遠亭亭舊
樹奇近人唯好鳥邀月有涼颼再歲苦行役相
看獨在茲

山海關二首

甲冑詩篇少乾坤歲馬多幼仍看海市壯擬挽
天河塞上入先老山頭用奈何羣雄騎語日一
劍後經過

其二

入夜聞刁斗將軍可是程天山開重地怒海威
孤城生力兵方壯角弓氣未平一傳出塞令不
待褰裝行

中左

誰遣山爲塔空餘司寇名宛丘龍意合疊嶂屢
雲生大礮曾驚雨偏車尚列城燒燈呼將舊一
當詰戎兵

不寐二首

漫睡何曾穩荒鷄不肯鳴
繫鴻鄉信遠說虎壯
心驚一榻人千里孤窓月四更
起來修夢紀却
喜晤同聲

其二

大覺醒爲夢經年夜作明桃燈
焚舊草請劍
長鯨雨雪衝鈴語風濤雜鼓聲
通宵師未寐不
是爲孤征

聞楊文弱備兵閩六二首

關西今世業曾掌大纛
憶國威靈在

遠期安危中令膽旦暮故人知每嘆雲林事
寧有所思

其二

漢患東西虜危邊父子心後前班共綴
千尋晟想功方大紀羣交更深寸心天地
我願同襟

送房生

生爲予友鳳修公子予師中丞公孫予
去并州時生襁褓今一見之頃披予友

雄風愴然今管賦此

與爾交三世相看喜不勝父風今如見祖武若
爲繩泣硯窺天遠遺經卜代興松楸盤岳麓須
仰最高層

送刁郎中再餉永平

幾度關山月同君馬上看秋聲吹野戍檣燕舞
春鞍壯略餘鞭算雄心賦鵲冠盧龍雄要地孤
竹自清寒

三十五忠有前後二序

蓋自官府盤互而忠死者藉藉死不同要于
死忠也魂一變成虹血三年藏碧慘矣烈矣
當踣高階厚時徒悁悁于令咫尺誰爲矯意
一舒怍怍者況其叩九齒而祈焉 聖明御
宇忠直爲昭亦旣念忠矣遂爲忠詩三十五
其人隨筆次不次第其人故詩不必盡其人
人不必盡其事

趙太宰南星

予館局時太宰輒從里中宵聲時泰昌初起

廢不及太宰最後乃出海歷天部有良心疏
標行特峻予在邊以莫知其鄉廣之太宰倦
倦于楊墨橫議禽獸也而相勉殊深未幾歿
于謫所然終不及識太宰

太宰蒼羣辟中權嚮四星良心議翬翬那忍獨
爲醒雅志聞楊墨有懷辨渭涇投荒天更遠終
自在朝廷

高總憲攀龍

蓋錢梅谷納言宰予邑數言總憲之賢也當

其起廢籍則願擇所以了天下大計者而舉
獨予予既入政府每從所知有衷言予辦樞
多綜其大總憲謂當合綜小大以周念潛寄
聲後乃悉予兼了屑屑者不必自身也而信
之僅從念潛門一望顏色而未變一語後竟
以璫禍死南樂以予爲總憲及太宰清 若
側也蓋予有疏明兩公入京師而左滄與止
不奏

東林饒善士予敢附東林矯矯高司憲中宵竟

自沈幾行憂國淚一死抗章心莫歎重泉閉高天見遠襟

周侍郎炳謨

侍郎齒長予而同籍中特嚮予居每爲隣同直講每以所講相商確頗有常聖治者與要人語予每好盡言而侍郎愛予特甚然不以予爲過兩家綸命易手擬之氣意見弟也予行塞上侍郎出春明爲中要所昵尋卒

翰林二十載荷蒙上明光秉詰懷先德執經侍

聖皇三長在國史一疏計封疆大雅誰堪繼名
山好闕藏

楊副院璉

蓋副院與李宗伯合議祧 睿宗予稍駁之
二公特受予言更相得也曾爲副院擬 制
誦而移宮之議以恩補義頗從左僉憲是予
言初以彈逆端罷抵范陽則手書移予惓惓
爲天下計既逮抵京則要人欲并殺予曰公
左津將以某甫 君側無何正人中有憐楊

左而賂南樂爲地璫乃逐南樂殺二公而志予

大心楊副憲沈志萬言書割毒手難下撤簾功
恐君熱心良自苦劍術未應疎千古英雄淚誰
壅別帝裾

馮副院從吾

副院修關學以躬行爲大指初同四品班每
晤言則移日相厲以聖學也讀予督師奏更
以聖學許與獨悅慙不副副院其倡道關

有天中閣以學禁毀之劉院事以此與
受

少墟窺道域一見契予源溯氣憐孤注春風坐
而襟月仍留閣上學自見天心白雪真孤調無
松撫衆衆

何總督七言

予初讀總督工須知書心異之吳去聞少
字稱其孝之武也尋以諫草乞予敘予頗著
其忠孝大節有遠識深心而言路異議遂志

予甚予又以直外制爲總督撰擬及留京策
程出衆更惠予特甚故厠予東林而總督以
戍譴卒

拘手何司馬百年孝作忠勛名高兩粵工記補
三監力扶纖兒秘冲居上相功夜來聞迅震猶
疑見英風

左僉院光斗

予入宮諭適僉院煥屯再三詣予語予爲言
同中小人異中君子合天下損一隅必

延是唯寬之使其自來徐之俟其自化激之
則甘爲小人而勢令僉院拜予言及南樂初
合璫予有疏言中外交通而言官爲搏擊不
利社稷僉院竊其奏曰公在外吾輩方惡是
疏入將無生理及生出春明而後竟以璫殺
璫不忘殺予矣

桐江僉院左遠志包寒區稂莠愁難盡荏苒驚

異連不虞驅走狗

南樂自
無走狗

翻令脫精彪化碧魂

猶烈應堪獵右孟

李御史應昇

御史少年有志介彈劾不避權要見大僚進
不以正殊怍怍彈之而繩南樂尤力南樂
以御史師予願附予覆其說而爲予乞邊敘
予不敢受而御史抨彈更力璫遂殺御史而
恚予爲黨

直哉李柱史不恣見被倡有草腸逾烈無生骨
香力能光社稷重豈獨門牆結淚殷勸語猶
二報聖皇

夏御史之令

御史以劾內草廠爲羣璫聞遂至批璫之類
璫有疏送閣口傳治御史予以御史覈革而
內持之兩相擊何得偏責御史特寢其事後
大璫理嚮來傷其類者遂借劾毛弁害邊事
殺御史而咄咄曰此某所左袒免者而憲云
殿中執法吏夏史擁雙鞭激手批奸頰忠言戡
弁魂以予扶直意念爾應時言誰謂酬恩重
成禍福門

周中丞起元

予以募舟江淮寄聲中丞也中丞念天下大計特護所募舟茅生而又護其治軍實各省數百千更以舟遺也予以潞河之請駭中要旋三河接中丞書謂關門繫天下安危而宮府安危更關天下時選騎在門詞中丞嚮予也後以忤織璫殺中丞而恚予特甚

予當回潞水手續自留京舉世戈相嚮唯君意轉傾壯心脫距盡健臂當車輕三歎還驚骨斯

人竟不生

繆宮諛昌期

予不敢以先輩接宮諛卽宮諛謹接予每坐
傾日多節誼正言乙卯五月六日事宮諛持
諫甚高予敘何司馬諫草有不可不問不可
不問語宮諛以爲然自是予兩人遂不容于
諸君子其後按大罪二十四以爲宮諛佐之
遂殺宮諛且將及予

忠貞繆諛德秉節入承明白髮縱橫下丹心慄

慨生自來憂社稷誰復計身名死謝髯闍老無
煩老婢聲

宮諭逮入時同里有孽卿馬不爲宮
諒一語痛哉

蘇考功繼歐

考功爲予師房中丞所拔士予自諸生知考
功後考功以畿令入都門同鄉相晤語甚相
慕司銓交頗驥澗而雅以分袂正去異同
相勉考功亦若以長者接予洎予行塞上而
考功尋追逆黨死蓋新天子改元予始聞
考功狀

仙鶴標遠沈衷閱世紛包荒期位泰濟小
歲華不自插離涼其誰翻雨雲長松風雪下
比一蘇君

張太宰問達

予雖朝與太宰同官七品也又十年太宰躋
大列予猶七品太宰道廣而雅不早予每爲
予言相州韓稚圭以予相州人而乃翁曾官
相州萬泰間憑幾諸大政予頗參大議則當
事從予而太宰契予特深予行塞太宰辭罷

去無何以璫破其家而歿其門人黃閣老爲
言罷其連

太宰清通手登朝四十年弄丸一玩世夾袋幾
於賢家以殘方破身從死更憐慙勤黃閣老一
語

汪侍郎輝

侍郎先解館而避也蓋從予議二十年兄子
而第之渾樸不作乖崖而分別白黑義所不
可責育不奪也不迂璫而迂璫之黨得既制

里中寄扇頭詩予亦以韻答有八節灘頭語
蓋相期以大義云 新聖人方以蒲徵而歿
聖明方重道夔一亦人存材是金爲礪人其玉
比溫生平不自異身世見孤鶩宿草經秋老誰
何問陸渾

丁簡討乾學

羣天下大賢大奸多聚都下故都人士習于
集苑集枯多賤簡孤子而喜趨附簡討抑何
矯矯特操也當在庶常遂占標邁英魂烈烈

過傾朝羅拜地其化蜚且天長虹乎尚問之
予友米君

京轂饒豪略特操或鮮終英雄丁翰簡抱節何
公忠豈獨賤中要其將矯媚風天街羸馬市遂
覺入羣空

鄧中丞漢

中丞初備潞河兵予屬也擢薊撫相得驩甚
然非知兵也而精敏有幹局能以意繼岳中
丞治悉意草虛冒補戚帥廢缺躋然有後勁

之恩人故習江右風節每言南樂胸中黑以書
來不辨遵蘄也其接何太僕實以氣意而遭
貶削卒後來者遂從中要議

按蘄論修守能名戚繼光中丞來訓練我武頓
惟揚揮羽習驚鸛投鞭驅虎狼如君凋落盡誰
復念封疆

袁御史化中

予曾以翰林與相度慶陵御史與同年張御史
修德乞指龍眠處有社稷升恒之祝後

易扞而歸予所指御史雅念予不以此見也
當葉台翁去國予次韓時欲去予兩人而予
在邊難于去故錮予于邊而云不欲其留不
欲其去御史疏有當門蘭人謂指予然非指
予也御史疏理無何璫殺御史予旋罷逐而
要人亦復後先逐去死

曾憶攀髯後
嗚君相慶陵鬱葱屬社稷日月永
升恒予旣觸羅網君仍辯葛藤秋風蘭已老門
可復誰登

吳總督用先

侍郎與先職方同門而左浮丘姻親也特相
契東事肯佐予議不少自異以附時無何南
樂倡減兵省餉中外靡然侍郎徒有尺一嘆
駭而已潞河之行侍郎晤語于途相與駭嘆
諸君子之逐也當在喜峰張兵使先緒云韓
象翁又逐予不覺駭嘆兩語俱聞都下而要
人切齒相次逐削侍郎抵里卒

念我同心友疆場戮力時風威移帳幕雲色變

旌旗官道慙勤話私函繼繼辭至今憂社稷那
得不相思

顧憲副大章

憲副之尊人曾備益津兵事舊知兩公子大
章大韶也憲副主西曹以錢受之宗伯來晤
語甚驩調司馬子曹爲屬司序行塞上憲副
歷儀部出備闕中兵事尋及于難

公子翩翩俊津關舊有名西曹初遣羽司馬更
論兵予旣浮渝海君還備漢京嚮來憂國淚幾

度齋詩集

王南廳紀

司寇撫畿輔南感惠立朝嶙嶙敦尚風節予
有疏飭法有旨旬日外司寇與鄒南臯總
憲稱未見予疏言此必有蒙兩臣者兩君子
俱以過謝法稍明而兩君子殊不予咎也司
寇嚴政府結中要貶削卒然朝廷終受此患
中要盤官府從來社稷憂君方愁偃月時已恨
清流鉤黨關炎祚同文豈宋謀不知槐柳客相

見夜臺不

魏給諫大中

給諫初劾蜀人王德完語頗不典予稍疑之
而給諫不予咎也洎入掌吏垣而予行塞給
諫遂以中要盤互得禍其家清如水生平固
蘄蘄有略而死中要也天下聞而哀之

聖朝初願治特起馭流銓報國賢臣頌懷清秋
水篇天方溥上善人亦嚮中涓矯矯匡時
時一愴然

劄總憲元標

總憲以五十年宿舊爲天下名儒其應徵而
起不復作舊日風稜予謂威鳳祥麟蔚爲世
瑞其用更大而異議紛囂總憲故與魏是泉
中丞以風節相厲恨南樂之撞家居也每歎
見泉無兒乃從歿後得削奪

握臂五十載抱學上君門林栗方持議曹鸞漫
叩閣以茲常侍貴翻令孽卿尊何損千秋業終
頌聖主恩

王侍郎之案

吳次輔曙谷以乙卯五月六日事問予于邱
予謂不可不問不可深問文云唯上乃可
用此語洎慈寧一召仰見大慈大孝千古爲
高時侍郎執欲深問尋得罪去後再起乞予
敘其議予時方藉侍郎發問焉特予之敘謂
極力護之必如此極力發之必如此而侍郎
不謂然予嘗謂天下之患莫大乎下知之而
不敢言侍郎敢言卽所執爲過亦足破後世

或然之膽而生窘之死不復隣之過矣

聖孝高千古神慈翼萬昆如君或過計于衆邦
孤寡國是誰能定人知自不言何如留此議倘
可警司閭

周主事順昌

予不識主事而痛其以誼死也其子魏給諫
逮時結婚頗類予鄉王大司馬遴結婚楊忠
愍于獄也而主事遭禍獨酷予友鹿乾嶽璽
卿嘗客主事所善門人朱生能以身伴主事

于患難依璽卿爲周旋也主事固應得此生
乎後亦以痛悼勞瘁死

吳市高華子一祠捐半千君同吳市隱高誼薄
雲天崇洗當官日盟成必死年朱家談大烈生
氣尚依然

夏文選嘉遇

文選解褐爲予郡司法以平允佐府公爲良
予曾爲文選擬封前文選謙朗有風格一入
都門爲世標嚮旋謁歸後趙太宰執衡將大

合衆手澄汰品流特起文選于里未及試堂
旋遭璫禍坐胥廩以死

中要相盤互人傳鋒氣來起君還典劇驚代一
掄才未刷鸞鳳羽翻成鷹隼猜至今城旦處心
初有遺灰

周御史宗建

御史與齊主事琦名讀予擬程義以爲卑而
願交焉予不卽習御史而時見御史拜彈鳳
稜也予行憲上御史彈交璫者甚力無何去

而後竟以璫死恐設者方以殺媚而含酸茹
歎誰能矯掌爲解者

谷永忠串伯安昌薄小生漢家四十萬新頰滿
西京有劍誰堪請無門不競聲烈哉周杜吏尚
作一鳴驚

周問少朝瑞

同少時與揚左諸君子爲義烈多忤忤于公
憤而撫膺鳴摯自非膽諦之士未有不爲謹
君子遙悚者故更爲逆黨切齒殺揚左遂欲

總其類而借殺于脫遼經也一網慄矣

定秦漢劍在闔宦却相尋朝豈乏陳寶人其盡
永欽以今趨媼相寧自披雄襟駢首都亭淚誰
憐廢忌心

黃御史尊素

予不識御史然社在塞上頗憶御史上邊事
卽未悉邊事乎而心實忠遠無他璫禍起御
史以織璫死嗚呼殺御史者次第以御史殺
矣御史死爲公忠而後死竟何如

何必悉邊略其如有違心生來饒勁骨身許比
南金世自矜功狗君方嘆陸沈如飴歸視死那
悲友芳林

劉知府鐸

予不識太守而曾讀其中蜚語詩殆憤世以
意匡諷者而竟遭湯火佐殺者豈有意好殺
特恐以不殺忤璫遂媚璫以殺而今且議抵
太守以殺然不足抵太守也嗚呼等死耳而
多一媚一殺可不念哉

幾自憂時意讀君讀世詩一庭方作頌生靈
能支忠矣二千石寬哉三字辭于今抵禦骨
恨未相宜

萬郎中燦

予不識綰郎當塞上聞綰郎受廷捶死天下
聞而寬之蓋官府盤互之勢戕而借綰郎以
張處燦嗣後草菅士大夫頗令錚錚者一變
爲喁喁而蒙死以諛嗚呼誰爲佐璫備殺者
誰說貂璫客門看槐柳齊自憐心似水不忍用

如泥執患狐爲虎防微牛有羆縱令身玉碎其
肯學鷄栖

吳御史裕中

世人微富貴遂媚要人至殺其所歆殺以媚
而兼殺其防我富貴者以爲不如是無以是
富貴而曾無何變禍其富貴之身也近傳御
史以逆執政死執政曰凡御史竟死于御
史也執政媚媚人以殺者然乎吾予不識御
史而借御史以警殺機

人殺爾者爾亦竟殲之胡不恨貂豎而奮追
于思乃知中毒手都是外纖兒幾日輪迴却相
遇可有辭

張都事文

予不識都事而都事之大父行爲予友者二
一同舉思行一侍郎我續侍郎方爲一切指
目曰結璫而都事其子姓也以璫殺豈其結
璫而得死乎都事不獨身潔忠而似爲侍郎
一雪此言也死亦何恨

君家饒宦業那忍負嫌名兩兩驚方慘羣言量
未平耶鄆終有步薏苡漫成聲宸喜韓中令恩
仇不欲明

趙宗伯諱秉忠

宗之登甲辰榜則太宗伯益都趙公佐大崇
伯武進孫公主禮記宗乃得師兩宗伯後中
要津毒及同宗伯益都分稱輕手武進而以
憤鬱致困時大略百未一試而先被自語後
之此禁毒也宗衰殘不能出門戶何時二

望總函痛哉

少年登上第况復負才名以此遭蜚語其寧損
舊聲重來躋泰道似可展生平幾日謁歸去驚
傳櫪馬鳴

公侍郎葬

侍郎與予友王劬生爲同年友相善予乃得
交侍郎也侍郎豁達有醞藉同郡馮宗伯琦
以友爲師雅震其博雅侍郎亦以經濟自負
以詞苑約結其奇而遭璫禍死

綸池傳世鳳學海見人龍
老宿饒雄略清塗寄遠蹤
要人方據重而我一當鋒
念爾集枯意其寧爲世容

孟叅軍淑孔

叅軍初以游御史表遊擊將軍將兵灘上時
指御史乃及叅軍尋罷去以楚中及輦上諸
君子薦來渝水見而復游御史知人也令叅
五部軍事遂之東江閱毛師底襲弁沿海汛
泊連歸正人能一一悉窺竅無何璫以御史

事逮入死詔獄其對簿激烈鮮明不少屈也
參軍有子能文今不知何如

錚錚奇略士矯足嚮風波一葦東江上千羣漠
北過從容甘對簿慷慨憶揮戈知爾還堪用不
憐在網羅

某子甲南部郎

當中要盤互舉世若狂然有秉節而不能殺
亦有進熱而身先隕南部郎少作風稊曾艷
宦姪晚爲祠祝以微高遷而咄嗟死矣小人

狂傲小人豈不信哉笑罵由他周旋作我胡
不念之而妄謂要人真能生人死人也

天意成忠彥而云丞相瞋望塵矜有拜久幕敢
稱賓亦有工爲媚先憐患若身乃知虛扁手不
起不生人

予爲三十五忠詩益添有感于今之君子也
今之君子旣自別于小人輒好合天下以擠
一隅而反爲一隅勢其失在以同爲君子而
不以君子爲同故不獨所損有君子將所益

有小人夫天下各聽其願以共酌大尊我既
分岐于所損而亦或不能遍及于所合夫損
于我方就就于不合乃合于我亦不得盡如
其願其就就更甚于所損由是同我之異援
異我以爲同而我亦且徬徨四顧以自爲異
故一翻一覆天下之殺機無已時而一代之
元神遁乘于翻覆之數而不能固然而天終
不令小人乘君子也當君子不勝小人則天
固已預生大聖人天豪杰伺天下之紛紜而

式于正是大聖人大豪杰或獨在上或獨在下或上與下兩相遭力能安小人于其所而使小人爲我用其調之制之振以名法收以才略無激之使其無忌無迫之使其有合蓋小人乘君子唯是耦以乘獨合以乘分凡君子所恥不忍接憚不敢爲皆小人所收爲乘君子之具當其低回岐路未嘗不願借君子爲覆而進不得容則退求其耦急且與乘權之小人兩相合而恣殺天下之異已當是時

竟惟有順之抑且有佐之而又或有借之至
自誦爲三百年廓清之略而去猶曰鬼死猶
不烹也嗟夫此其人亦曾脩簡行爲大家宛
弟而至此予觀舊事戴御史縉之頌直屈給
事銓之頌瑾纔一兩人便已爲天下詬病而
今且爲一兩人幾遍天下然瑾所殺數千人
視今爲甚此豈今之殺數爲少無亦今之頌
數爲多也然則百餘年後之風氣更薄而百
餘年前之忠鯁猶盛乎起三十五人于九京

未必人人大有勛烈而大有勛烈者必此三
十五人彼其忘君父之倫而苟一時曾其躬
之不閤而勛烈何能故今天下在急還忠誼
于人心使君子用其正而小人藉君子以盡
其才特不得恣其衰于君子予觀高皇帝
之驅文皇帝之靖亂肅皇帝之逐奸
直還皇日于天還河山于地還忠義于人
今上起藩服綏大烈同符肅皇而天縱神
明以平奸宄而振醒之人則又同符二祖

夫天既生大聖人以撥天下之亂則夫提衡
一世之人心爲主上則君子小人遂以安
小人于其所而無使乘君子天其屬二三大
豪杰哉丘壑中且爲天下望之

哭鹿乾嶽太常四十九首

有序

范陽鹿伯順以進士高第主計曹政署廣東
司輒發金花餉遼神皇帝震怒索金花悉
大司農悉上他金且謂伯順不說堂也伯順
得謫一時省臺諸忠直大列無不爲伯順誦

言者歷 光廟熹廟兩朝起官遷司馬曹主
職方政予兼樞務則伯順管章奏題覆從予
行邊予後當居東則伯順推銓司矣伯順辭
從予凡後先有事于邊無不增秩或以遷調
不成行若辭銓居樞辭京轅居邊歷四年僅
以敘遷副郎遭瑞患從予歸口不言功亦
不及惟伯順獨耳今 皇帝起太常管光祿
事請告其居東柝地四百里退七百里無
一不出伯順經畫而光祿細大兼營無一不

似發金花也旋里居范陽之江村奉太翁
兒若孫若曾孫遠近百千及門之士無不服
鹿夫子教蓋太翁佩其先侍御忠直爲教伯
順奉太翁之教以教諸子洩洩融融不知
世上有窮通得喪毀譽成虧也今年秋敵犯
畿南州邑告急范陽令謁公爲守實無一備
伯順以太翁命人城方走尺牘索袍手高陽
而不餉之兵不甌之城不聯之衆心張空拳
調練而敵已薄城伯順禦之東而西偏有踰

垣遽者敵遂登陴謂伯順索所衣伯順怒大
罵不絕口而嬰白刃不避也尚欲絕氣于明
倫堂不得入乃歿于東城小園而一僕某從
伯順死難予所袍手不得入城從太翁他適
得無患予既知伯順在城而聞城陷口噫伯
順死矣噫天乎死伯順乎世人利害之屬有
窮通得喪有毀譽成虧至死生而極予向固
覩伯順之一窮通齊得喪忘毀譽渾成虧也
今乃覩覩其不二死生乎悲天全師譏成重

兵不戰乃起患何人若平不以人料憐而
成乃昇之其人倉猝以責其成而又言禦其
肘纖兒旁睨不樂其成而幸其死伯順其一
也乃隨念爲章有矣伯順詩伯順盜官大略
別有紀

鴻鴈冥冥遠孤飛亦念羣如何連沒滅空自攪
續紛千里登樓月一簾倚窗雲相看滿眼淚不
獨爲論文

其二

念爾嘒嘒氣辛稜予所欽仍來尋逆旅別淚失
江村此夕柴門月當年草地心都來今夕感偏
愴老人襟

其三

一居同五世都自愛忠貞亦解開陵壽慙同草
木榮勸酬兄弟意貽燕子孫情但認真爲譜誰
邀李杜名

其四

尚有高堂在如何便許人原來矍鑠老偏愛

愚身奏策雷霆下投鞭滄海濱瀕危都不死
死見誠臣

其五

一片婆心切常思救世人眼看見骨肉情悉比
鄉隣百中鞠難下三孱膽未勻南來呼礮日幾
度念嚴親

其六

大敵籌多勝如何小敵傷由來習什伍只在自
弛張拘吏難爲肘癡人空有腸丹心終自苦白

髮爲君長

其七

念爾身多病憂天意未平
聯鑣驚健骨彈鋏憶長纓
旣喜家餘慶應看世可清
誰知人已死吾道欲何憑

其八

壯子未已處都寄有心人以爾
忽零落其誰聞
笑聲高才屬散地旬野盡風塵
念此心還折堪悲社稷臣

其九

以我懸弧日
勞君攬轡行
扇頭親筆字
杯底舊書名
懷袖春風滿
交盻德意傾
眼中渾若見
感是氣如生

其十

百里宿窮日
約分兩夕程
歸尋濡上寺
遺恨范陽城
稍意爲長別
寧甘放蚤行
思君不可見
反覆念前盟

其十一

曾詣江村里柴門月色新衣冠聯五世尊酒象
三賓星爲膝兒聚天從腔子真生平知已盡此
意鄉誰親

其十二

記得雙車出便門君當病少愈予更凜
深恩未得驅羣力寧堪憂至尊念茲相別意何
地返忠魂

其十三

豈有鹿乾岳解衣以乞生痛餘南入恨不絕唯

陽聲一醒開長夜丹心付太清
蕭蕭風更咽柅注爲君傾

其十四

有父承先德課兒成大忠
促裝東海上護法北司中
德紀人倫表文盟世道功
砥礪惡面命仍以一當戎

其十五

有兒承燕翼無恨抱蜚經
易水終成白燕山未了
青魏公爭殿上汲黯在
朝廷事已渾爲藝人

誰思獨醒

其十六

麟經家作譜大義究分明既已謀人國其寧愛
此生聊將一日事以謝萬年名遺恨江城在阿
誰護帝京

其十七

十三山上月還照范陽城海右歌留碣燕南痛
結纓有生終報國不死豈圖榮一坏埋英骨東
園萬古名

其十八

纖兒不自意獨有一全身百計方調戶一聯已
破閨兵原需詭道天更愛真人莫訝城門火長
虹豈作燐

其十九

不奏山公啓來參庶子軍花營馳暮雪錦水悵
晴雲幾載龍爲腹一朝雁別羣涼風吹短笛淒
斷不堪聞

其二十

人或薄正直天豈助權奸既已摧梁木其難撼
岳山無家問弟妹有恨濕斑襦滿眼英雄淚東
園草木斑

其二十一

記得居東日旂旗在眼中短衣逐夜雪長鋏嘆
秋風戰野推鵠舉車偏識馬隆空拳不可下遺
恨談英雄

其二十二

予憐中令膽念爾比韓公不避雷霆下來居戎

馬叢氣如急殿上謠爾滿軍中試問當吾世寧
堪失此翁

其二十三

由前三十載邊料何其饒自託封侯骨誰憐殘
客腰一乘東下馬半挿侍中貂借爾程孱膽忠
魂不可招

其二十四

千秋人是鑑一代將登壇
噍笑辭顏謝安危任
范韓大忠憂社稷高誼啓衣冠
莫聽東來水滿

清風正寒

其二十五

恭憶神皇帝于臣無厭心似從真爵祿以覘假
胸襟千里秋風鱗一清暮夜企念君當此際抱
痛幾長吟

其二十六

擬公生一世胡乃死其身抱病骨仍健居危名
益親謂天多不定豈道果難均旦夕風雲會如
公復幾人

其二十七

王師涿鹿野
騎范陽城有咫尺烟塵隔幾時
道路清元戎騎不戰司馬慙相成事已看如此如
公何以生

其二十八

莫驚南牧馬爲逐遠神京豈不念州邑而仍惜
甲兵頻年煩訓練一夕忍爭雄却恨南雲矢不
加賀進明

其二十九

古人重骨氣骨勁處偏剛以爾神疑志于時天
秉陽寒潭秋月近春欄靜琴張自是饒村韻思
君入渺茫

其三十一

可惜英雄骨空墜三里城官仍擔世道死不盡
生平事共纖兒誤學緣定力成覺華山佩月夜
夜照清卿

其三十一

海古孤城遠名山咏十三昔曾憐退鷁今遠道

旋嵐似驟潭成夢猶龍不是晴大招空有些何
地問遺簪

其三十二

樓船當下颶舫側黑雲平檣燕凌波起海鯨盪
橫橫登山仍佩月解纜一揚旌倏忽安危裏誰
能辨死生

其三十三

當在圍城日書來字字明雲中聞吉語簾上發
新兵似喜皇猷遠寧虞子盟開奩一再讀無

淚爲君傾

其三十四

柴門新月帳有客問雷棲家自懷綏劍人誰剗
藥犀螭曾存狡越單亦振罷齊念爾生平略空
悲櫪馬嘶

其三十五

十萬提司馬獨攢涿鹿城有人催轉戰何將竟
寒盟豈不憐鄉棚且同護上京君當悉此意此
恨幾時平

其三十六

爲子須純孝當官豈詐忠行閒常戮力退處不言功學擅三冬足文開一世蒙斯人今竟死天地幾昭融

其三十七

曾聞伏節士多在敢言中疏奏金花草威名細柳叢搜鱗領未睡埒虎氣方雄慷慨生來骨空留土一弓

其三十八

一片廣長舌妙蓮花自生大悲寧有怒謂覺豈
無明睢自留雙廟顏誰問兩卿吾將貌五烈不
貌舌中英

其三十九

野老吞聲哭嗷嗷不忍聽河山浣未洗草木氣
還腥寂苦人中傷先搔天上星天公應錯誤一
老亦凋零

其四十三

尚有祖鞭在誰寒先着盟南來不肯進西上未

戍行恐以遺君父慙于稱弟兄得君驅若輩寧
止保孤城

其四十一

曾與論心地秋陽江漢中暴來沾濕少濯去淨
明融天馬看神駿人龍豈鬼雄一兵應不散何
處問天公

其四十二

塵滿河山暗腥聞日月荒自嚴土一掬誰按法
三章多壘焚通徠長楸失室皇此中豈不悽無

若隕忠良

其四十三

嘗抵太雲寺與君分守來冥鴻志已遠高隼意
方猜寵後分中外于今數往回摩天應有會而
竟賦堪哀

其四十四

夜雪驅羣馬春風渡漢關二庭看陟幕萬隊盡
環山鎖鑰原隨準麾幢盡付班思君當此際魂
夢海山間

其四十五

清鑑懸人鏡，拔登馬伏波。衆人皆欲殺，賴爾力
調和。器以盤根別，功因發縱多。誰知真死矣，公
論定如何。

其四十六

萬斛舟方大，陽侯波正傾。孫聲有懦吏，烏合無
堅盟。應念城千雉，空餘胸萬兵。長虹天竟遠，不
肯掩貞明。

其四十七

朝廷三百載養士最恩深
際安危會輒懷去
住心如君真慷慨于世
義胸襟亦有新亭淚誰
能洒陸沈

其四十八

北海孫賓右于君
見范陽平生懷慙直
高誼護忠良
燒節風方競
褒融意更長
國手今淪沒誰
爲啓迷方

其四十九

桓耆堪料備
庶子豈文章
有客屠龍手
同君我

馬場憐才憎識命開膽納同方聞說茅容淚滿
蕭道路長

恭導 太祖高皇帝神主于 皇穹宇配

饗 闕丘

恭詣皇穹宇趨迎聖祖前小臣瞻帝座仙樂奏
鈞天象闕雲霄迥龍光呈彤鱗聖明隆上典持
筆賦甘泉

其二

聖主原開世高明竟配天文孫隆大祀御祐瞻

山陽集詩

卷之三

五

山庭象緯隨環衛辟公護大國趨蹌未綴後陶
宋愧前賢

孫男之勞編次

少壯嬰

卷之三終